

Badische Landesbibliothek Karlsruhe

Digitale Sammlung der Badischen Landesbibliothek Karlsruhe

Historia Zaringo Badensis

Schöpflin, Johann Daniel

Carolsruhae, 1765

XVI.

[urn:nbn:de:bsz:31-295118](https://nbn-resolving.org/urn:nbn:de:bsz:31-295118)

fit pax Dni. nostri Jesu Christi, quatenus & hic fructum bonæ actionis percipiant, & apud districtum Judicem præmia æternæ pacis inveniant. Amen. Datum *Placentiæ* per manum Joannis Sanctæ Romanæ Ecclesiæ Diaconi Cardinalis VIto Idus Martii Indict. III. Anno Dominicæ Incarnat. MXCXV. Pontificatus autem Domini Urbani Secundi Papæ VIIo.



XVI.

CHARTA FUNDATIONIS MONASTERII S. ALBANI
BASILEÆ, PER BURCHARDUM EPISCOPUM
BASILIENSEM. (a)

A N N O M C I I I .

Ex Cod. Urstifiano Archivi Basil.

In nominæ sanctæ individuæ Trinitatis Amen.

Cum ex adjuncto divinitus officio vicem Dominicam in Ecclesia gerere debeamus, providendum Nobis summopere est, ne magis gloriam propriam quam Justitiam quærere a Domino judicemur, & talentum creditum in terram magis fodere, quam cum sœnore ad Dominum reportare comprobemur. Bonum ergo operantes ad Omnes, non deficiamus, tempore enim suo metemus vitam æternam. Hujus rei gratia

(a) Fragmenta hujus Chartæ dedit URSTIS, *Epit. Hist. Basil.* Cap. X. pag. 123.

Ego BURCHARDUS divina miseratione Basiliensis Episcopus pro
mearum negligentiarum Correctione, proque omnium fidelium tam vi-
vorum, quam corporis vinculis solutorum Redemptione Anno Domini-
cæ Incarnationis Millesimo LXXX. III. hoc Cenobium in honore San-
cti Salvatoris, & Beatæ Dei Genetricis semperque Virginis Mariæ San-
ctique Albani Martyris institui, & ut divinum die noctuque inibi redun-
daret servitium, vitæ Conversationisque Monachorum ipsum deputavi,
Ordinationisque Cluniacensis Abbatis concredidi, ita ut quicumque Prior
ab ipso creabitur, quia Ecclesia ipsa Cura Anjmarum de Consilio & Con-
sensu Cleri nostri investita est, stabilis & absque omni Calumnia & Gra-
vamine, nisi legitimis rationibus convincatur, quod absit, perseveret,
utque Corporeis necessitatibus supersedentes, solum divinis vacarent
laudibus, de propriis redditibus, partim de his, quæ Ipse mea acquisivi
industria & pecunia, ipsis victualia, & cetera vitæ necessaria abundan-
ter ordinavi. Verum, quoniam ab ineunte temporum ætate sic se ha-
bent secularia, ut semper mali detrahant bonis, & livor edax hoc niti-
tur invertere, quod ad Cultum divinæ Religionis maxime bonorum vi-
rorum ædificatum est conamine, necessarium deputavi, Colonias & Vi-
neas, omnesque redditus huic Cœnobio subjectos, litteris mandare, &
unde vel qualiter, quorumque Testimonio Beato Albano fuerint donata,
carta præfenti adnotare. EGO BURCHARDUS Episcop. qui istam
Congregationem institui, Consilio fidelium meorum tam Laïcorum quam
Clericorum de propriis meis redditibus dedi Sancto Albano fratribusque
Deo eique famulantibus, *Lorracho* cum Ecclesia omnibusque suis appen-
diciis tam in vineis quam in agris, pratis & silvis, Ecclesiam de *Ho-
wingin*

wingin (a) cum suis, Ecclesiam de *Chandro* (b) cum suis, in villa quæ dicitur *Inferior Basilea* Ecclesiam cum suis, Curtim & Ecclesiam de *Hegindorff* cum suis. In Civitate Basiliensi Ecclesiam Beati Martini, & decimam in villa quæ vocatur *Huningin* medietatem. Ecclesia in villa quæ dicitur *Kemis* (c) & medietatem villæ cum suis Appendiciis, Ecclesiam de *Bozinsheim* cum suis Appendiciis, ea tamen ratione ut Prior ille ab ipsis institutus vices nostras per omnia ibidem habeat in Cura animarum sicut & Prior Sancti Albani in Civitate Basilea, sicut fluvius Birficus determinat, ita tamen ut Cappellani ab ipsis electi vices ipsorum in his quæ ad Plebis Curam pertinent, agant. Ecclesiam & Villam de *Appenweiler* cum suis Appendiciis, silvam quæ sita est juxta Sanctum Albanum, molendina in Ripa Birfæ, cum pratis & agris adjacentibus, in villa quæ dicitur *Binnengin* duos Mansus, *Rinwilere*, *Ahperingin*, (d) *Habchinshen*, *Guzwilre*, (e) *Sierinzs*, (f) *Westhalda*, Curtim vnam cum Vineis *Vfheim*, *Ramispach*, *Michilnbach*, *Obirwilre*, (g) *Bratillo*, *Gelterkingin*, *Durno*, *Holstein*, (h) *Metin*. (i) His prædictis Curiis & Ecclesiis prænotatis Cenobium Beati Albani Martiris fundatum est. Advocatum supra prædictas Curtes institui, nobilem Virum videlicet *Rudolphum de Honberg Comitem* ex ista parte Rheni, in vltiori vero parte Rheni *T. de Rötinllim*, qui homines ipsorum & Res sine omni sibi substituto subadvocato, tuitionis virtute

(a) Hainingen. (b) Candern. (c) Kl. Kembs. (d) Effringen. (e) Gotoneswilare. vide supra dipl. II. not. c. hodie Kuzerbann. (f) Sirniz. (g) Oberweiler. (h) Hölstein. (i) Fortassis Wetin, hodie Weitenau, prope Hölstein omnes hi vici ditionis sunt Bada-Durlacensis.

sine læsione fideliter defensare satagant, non Tyrannidem iniquæ Exactionis exercent. quod si exceßerint & Monachi ab iniquo Gravamine clamare super Eos comperiantur semel & secundo tertiove commoniti se emendare noluerint, a Jure suæ Advocationis sine omni Contradictione ab Episcopo removeantur, & alii qui digni sint loco ipsorum subrogentur. Ecclesiam vero ipsam & locum cum omnibus suis Appendiciis a muro Civitatis usque ad Pontem Birsæ, & omnia quæ in banno vrbis continentur, quæ Jurisdictionis ipsorum sunt Ordinationi Prioris & Judicio successorumque suorum dimisi, nisi cum Judicium Sanguinis agitur, quod meis officialibus judicandum reservavi, removens per hoc omnem secularem personam, ut Monachi inibi Deo servientes ab omni strepitu mundanorum exenti, soli Deo liberrime vacare prævaleant. Porro infra septa monasterii sicut a porta superiori intratur, quæ omnia nomini Domini Sabahot dicata sunt prohibemus & sub pœna Excommunicationis & Communicationis tremendi Judicii Dei interdiciamus, ne aliquis temere quid malignari vel aliquam Potestatem iniquam super inhabitantes exercere præsumat. Quod si Dei nutu & misericordia, quod fieri non discredō, Ecclesia ipsa Rebus & Religione in tantum exaltata fuerit & Judicio Episcopi quicumque loco mei successerit, id posse fieri videatur, competentes fratres ipsius loci sibi de suis eligant Abbatem, qui ab Abbate Cluniacensi sine Contradictione instituat; Precor igitur & obtentu perfectæ Caritatis veræque fraternitatis obtestor omnes Successores meos, quatenus perhenne præmium in prædicti Cœnobii amplificatione mecum sperare contendant meamque Concessionem & Confirmationem avertere minime præsumant, sed monachos inibi Deo sanctoque Albano famulantes pro animarum suarum salute sub libero & tranquillo

Dei servitio ab omni contrarietate & perturbatione defendant. Si quis autem, quod absit, spiritus malignitatis inflatus hanc nostræ Confirmationis Cartam infringere tentarit vel fratres Deo inibi fervientes molestiis inquietare vel omnino perturbare præsumperit odium Dei & Sanctæ Mariæ Sanctique Albani Martiris nec non omnium Sanctorum incurrat, & fisco Regio Centum Libras auri perfolvat, & Conamina illius per Dei potentiam irrita fiant; vt autem conscriptio hæc rata & stabilis in ævum permaneat eam sigilli nostri iussimus impressione signari. Testes hujus rei sunt: Chuono Laufanensis Eps. Ruodolfus Præpositus, Hupoldus Vicedominus, Bertholdus Thesaurarius, Hugo Decanus, Adilbertus Can. Ebirhardus Cam. Ruodolfus Advocatus. Adilbo Com. Hermannus Comes, Ludewicus Comes, Burchardus mil. Adilbertus Pincerna, Lampertus Dapifer, Anno, Wernherus, Rienherus, Hezo, Adalyz, Burchardus, & alii quam plures. Acta sunt hæc *Basilea* in præsentia Burchardi Episcopi, qui hanc Cartam dedit, Indictione XI. Luna I. Regnante Imperatore Romanorum Henrico IIII. & filio Ejus Rege Heinrico V.